

# Política Nacional Multisectorial irashi Jananekipe aisati Ebankarinentatsiri aretyaro osarentsiki 2030



PERÚ

Ministerio  
de la Mujer y  
Poblaciones Vulnerables

unicef   
para cada infancia



Gobierno del Perú



BICENTENARIO  
DEL PERÚ  
2021 - 2024

Ministerio de la Mujer y Poblaciones Vulnerables

Viceministerio de Poblaciones Vulnerables

Dirección General de Niñas, Niños y Adolescentes

Dirección de Políticas de Niñas, Niños y Adolescentes

**“Política Nacional Multisectorial irashi Jananekipe aisati Ebankarinentatsiri aretyaro osarensiki 2030”**

Editado por:  
Ministerio de la Mujer y Poblaciones Vulnerables  
Jr. Camaná 616, Lima.

1a edición, Febrero de 2022.

Hecho el Depósito Legal en la Biblioteca Nacional del Perú N° 2022 – 01291



# 1.

## ¿Jaokampa inkarajeitiri jananekipe aisati ebankarinentatsiri<sup>1</sup>?

Anampitekika Perú, shekitake jananekipe aisati ebankarinentatsiri, inkarajeitake 9 miyoneshi.



Ora **31%** inkarajeitakera atiripe, ankantabake timapatsiri tsa(10) atiripe, itimiya maba (3) jananekipe aisati ebankarinentatsiri.




<sup>1</sup> Oinjjakota ara Instituto Nacional de Estadística e Informática (INEI) jero sankinatokoyetiriri atiripe aisati pankotsipe jitachari Censo Nacional de Población y Vivienda, 2017.

¿Jaoka nosaikajeitiri?



Abisake tson (7)  
miyoneshi saikajeitatsiri  
poiboroki\* aisati  
irotimatainsi apite (2)  
miyoneshi saikajeitatsiri  
areji inampitsitepeki.



Ikarati 21%,  
ankantabake  
inkarajeitira tsa (10)  
jananekepe aisati  
ebankarinentatsiri  
apite (2) isaikajeiti areji  
inampitsitepeki.



Ikarati 79%,  
ankantabake  
inkarajeitira tsa (10)  
jananekepe aisati  
ebankarinentatsiri  
soti (8) saikajeitatsiri  
poboroki.



¿Jaoka onkarajeitiri tsinanepes  
aisati inkarajeiti shiramparipes?

Imonkarabakajeibetas  
shiramparipes jero  
tsinanepes.



Inkarajeiti 4,670,603  
shiramparipes

51%  
shirampari

tsinanepes  
49%




Onkarajeiti 4,533,726  
tsinanepes

<sup>2</sup> Oinjakota ara Instituto Nacional de Estadística e Informática (INEI). Jero sankinatokayetiriri atiripes aisati pankotsipe jitachari Censo Nacional de Población y Vivienda, 2017.

\*Ari piñakero aka sankenamentotsikika onkante poiboro iyojeitantabakearori jitachari área urbana (Irijeitake kantajeitaintsiri jananekepe aisati ebankarinentatsiri).

¿Jaoka ankarajeitiri jananekipe aisati ebankaritepe iriyojeitatsiri iñabejeiti pashini ñanentsi?



Anampitekika Perú, timatsi otsitsa soti (48) ñanentsi iñabejeitiri atiripe kemejeiteri arori. Aisati iñabejeibetaro iñane birakocha<sup>3</sup>.



Abisake 700 000 jananekipe aisati ebankarinentatsiri timatsiri maba (3) jero tsatson (17) irosarentsita, iñabejeitiro iñane sarakamashisati andino aisati kemejeiteri arori Amasoniyasati.


¿Jaoka inkarajeitiri jananekipe aiasati ebankarinentatsiri afroperuanos saikajeitatsiri anampiteki Perú?



Inkarajeitira maroni atiripe afroperuana, shekijeitake jananekipe aisati ebankarinentatsiri inkarajeitake 200 000 (30%)<sup>4</sup>.



Ankantabake, inkarajeitira tsa (10) atiripe afroperuanas, maba (3) inkarajeiti jananekipe aisati ebankarinentatsiri.



<sup>3</sup> Oinijakota ara Ministerio de Cultura, Base de Datos de Pueblos Indígenas u originarios, recuperado de: <https://bdpi.cultura.gob.pe/lenguas>

<sup>4</sup> Oinijakota ara Instituto Nacional de Estadística e Informática (INEI) Aisati sampitakopinintatsiri jitachari Encuesta Nacional Continua 2006.

¿Jaoka inkarajeitiri jananekipe aisati ebankarinentatsiri amaeshetinkari saikajeitatsiri anampiteki Perú?

Timatsi 400 000 jananekipe aisati ebankarinentatsiri amashetinkaripe<sup>5</sup>.



tsinanepe

49%

51%



Imonkarabakajeibeta shiramparipe jero tsinanepe amashetinkaritatsiri


shiramparipe



Timatsi jananekipe aisati ebankaritepe pashini nampitsisatipe, saikajeitapatsiri aka anampitekika Perú.



Osarentsipe abisanentanatsiri, yarejeitaka aka anampitekika Perú atiripe poñajeitachari Venezuela, irokia 18.7% irinti jananekipe aisati ebankaritepe<sup>6</sup>.



Ankantabake apite (2) jananekipe aisati ebankaritepe timatsiri tsa (10) venezolanos isaikajeiti anampiteki Perú.



<sup>5</sup> Oinijakota ara Instituto Nacional de Estadística e Informática (INEI). Jero sankinatakotiriri atiripe aisati pankotsipe jitachari Censo Nacional de Población y Vivienda, 2017.

<sup>6</sup> Oinijakota ara Instituto Nacional de Estadística e Informática (INEI). Yotakantatsiri inkarajeitiri venezolana saikapaintsiri anampitekika jitachari Encuesta dirigida a la Población Venezolana que reside en el país (ENPOVE) 2018.

# 2.

## ¿Jaoka inkantakojeitari janane kipe aisati ebankarinentatsiri aka anampiteki Perú?

Osheki saikajeibetachari kametsa, irotya timatsi janane kipe aisati ebankarinentatsiri kari timatsine irobajeityari, itekatsijeitanyari, ijajeitanyari yotantsipankoki aisati kari timatsine iriniro aisati iriri.

Timatsi kantimotantsi bashiretakayeri<sup>7</sup>:

### Oka kiteshibantsi




¿Piyotimpa inkantetiri kiteshibantsi



Anteeri ora Kiteshibantsi eirorika otimasanotitsi hierro ara pirajakira iri Katsini ajiriri janane kipe irotimataintsiri maba (3) irosarentsise.

Inkarajeiti janane kipe **40%** irotimataintsiri maba(3) irosarentsise ajeitiri kiteshibantsi.



Ankantabake otsi (4) inkarajeiti tsa (10) janane kipe aisati ebankarinentatsiri ajeitiri kiteshibantsi.



<sup>7</sup> Oinjakota ara Instituto Nacional de Estadística e Informática (INEI). Aisati sampitakobentirori ankantakojeitari jitachari Encuesta Demográfica y de Salud Familiar (ENDES), jero yotakotirori amitakotantsipe jitachari Indicadores de Resultados de los Programas Presupuestales 2020.




## ¿ Jaoka onkantimojeitakariri osarensi 2019 yotantsipankokira?

### Jananekipe berainchari 2do. grado yora pirimariasati iriyojetaintsiri<sup>8</sup>


Piyotakojeitabakeri onkaratakeri yajeitakeri ñantakamentotsiki iyotakotakerorika ñanatakotansi jero matemática.



#### Yotakojeitrori Ñanatakotansi




#### Matemática




### Ebankarinentatsiri berainchari 2do. grado sekontaria iriyojetaintsiri<sup>9</sup>

#### Yotakojeitrori Ñanatakotansi



#### Matemática



Saikajeitatsiri jananekipe aisati ebankarinentatsiri areji inampitsite, irijeitake kari materone iyote, okoityeimoyetari yotakayerine kemetachari, (yotantsipanko timakoyetatsiri maroni oyoshireimotantyariri, ontime interinet, bametinkari kapasitajeitachari).

<sup>8</sup> Oinjakota ara Ministerio de Educación. Evaluación Muestral a Estudiantes (EM), osarensi 2019.

<sup>9</sup> Oinjakota ara Ministerio de Educación. Evaluación Muestral a Estudiantes (EM), osarensi 2019.





## Antanatantsi aisati shintsinatantsi yantamintsayetantake osarentsiki 2019

### Antanatantsi: yanteyetiri aisati ninatabakantsi<sup>10</sup>

**Irantetempirika:** Ariorika imposanayetempi, yatikanayetempirika, inkaposhetempirika, itimpaishiyetakempirika.  
**Ininayetempirika:** inkantashibeyetyampi, inkisatsatempirika, ininashiriempirika aisati yasarimatakiampirika.

Piyotakoteri inkarajeitiri irosarentsike aparope yantanayetiri.

#### Jananekipe timatsiri tin (9) jero tsaparoni (11) irosarentsike




#### Ebankaritepe timatsiri tsapite (12) jero tsatson (17) irosarentsike



#### Shintsinatantsi yantamintsayetakeri ebankarinentsiri timatsiri Tsapite (12) jero tsatson (17) irosarentsike<sup>11</sup>


Ishintsinayetakempirika.  
Aririka yantamintsayetempi,  
isaporiatetempirorika  
pimatsara.  
Yoinijempirorika  
saporiatyempekiyetachari  
aisati  
antamintsatabakachari\*.




<sup>10</sup> Oinijakota ara Instituto Nacional de Estadística e Informática (INEI). Jero sampitakatantsiri ankemisantabakarika jitachari Encuesta Nacional de Relaciones Sociales (ENARES) 2019.  
<sup>11</sup> Oinijakota ara Instituto Nacional de Estadística e Informática (INEI). Jero sampitakatantsiri ankemisantabakarika jitachari Encuesta Nacional de Relaciones Sociales (ENARES) 2019.  
\*Saporichempekiyetachari antamintsatabakachari: irorinti oinijakoyetachari shiyakarontsipe saporichempekiyetachari yantamintsatabakajeyta aririka añakeri jananekipe aisati ebankarinentsiri irorika yoinikayeteri yaririkantayeteri.

## Antanayejita inchari yotantsipankoki<sup>11</sup> osarensiki 2019<sup>12</sup>

Jananekipe timatsiri tin (9) jero tsaparoni (11) irosarensite




Ebankaritepe timatsiri tsapite (12) jero tsatson (17) irosarensite



## Tsomontetatsiri ebankaronentajeitatsiri

Tsomontetastiri ebankaronentajeitatsiri timatsiri tsapite (12) jero tsatson (17) osarensite 13



Maroni ebankarope timatsiri tsapite (12) jero tsatson (17) osarensite, okaratake 2.3% otsomontejeitake, iro katsini otsomontejeiti arejisato nampitsi.

<sup>12</sup> Oinijakota ara Instituto Nacional de Estadística e Informática (INEI). Jero sampitakotantatsiri ankemisantabakarika jitachari Encuesta Nacional sobre Relaciones Sociales (ENARES) 2019.


<sup>13</sup> Oinijakota ara Instituto Nacional de Estadística e Informática (INEI). Aisati sampitakobentirori ankantakojeitari jitachari Encuesta Demográfica y de Salud Familiar (ENDES) 2020.

**Inkematsayetiri  
jananekipe aisati  
ebankarinentatsiri**




**¿Inkematsayetimpitya  
pibanKokira  
pinkenkishireabetari?<sup>14</sup>**


Jananekipe timatsiri tin (9) jero tsaparoni  
(11) irosarentsite



Ebankaritepe timatsiri tsapite (12) jero  
tsatson (17) irosarentsite



**¿Ishineyetimpima inkemisantantypiri  
jebatakantirori distrito iririkampa  
pibinkatsarite?<sup>15</sup>**



**Inkantajeiti ebankarinentatsiri te  
inkemisanteteri inkenkishireane ara  
yotantsipanKoki, Monisipioki aisati  
apatotantajeitatsiri ora organizaciones**



<sup>14</sup> Oinijakota ara Instituto Nacional de Estadística e Informática (INEI). Jero sampitakotantatsiri ankemisantabakarika jitachari Encuesta Nacional sobre Relaciones Sociales (ENARES) 2019.

<sup>15</sup> Oinijakota ra Save The Children. Kamantatsiri inkarajeitiri jitachari Informe Resultados de la Encuesta Young Voice Perú, 2018.

3.

### ¿Onkenkishireakotarimpa anampite Perú jananekipe aisati ebankarinentatsiri?

Maroni atiripe timatsi jokakobentiriri iro katsini otime impinkatsatero nampitsipe pashinisati aisati anampite Perú timatsi antakoyeteri.



¿Paita jitachari derechos humanos?



"Irointi norma jokakobenterine maroni atiripe, onkantabetya irosarentsite, poñachari pashini nampitsisati, onkantabetya tsinane iririka shirampari, saikajeitatsiri costa, sarakamashiki aisati asaikira arori selva, inkemisantajeitiririka ibabane. **Maroni ashiyabakajeita eiro aninatabakatsi**"<sup>16</sup>.

### ¿Piyotimpa paita onkantakotantatri jokakobentantsi irashi jananekipe jeri ebankarinentatsiri?

Abisabetaka mabatsa (30)osarentsi, yapatojeibentakaro jebabentajeitirori nampitsipe itsipatanakaro anampi Perú, inkarabentakero 195 irijeitake aminakobenterone ipinkatsayetantyarori jokakobentajeiteriri, sankenatakotainchari ara **Convención sobre los Derechos del Niño**.



Convención sobre los  
Derechos del Niño



<sup>16</sup> Pinkie interineki Fuente: <https://www.unicef.org/es/convencion-derechos-nino/que-son-derechos-humanos>.

¿Jaokakia onkarati tikakobentajeitene? <sup>17</sup>



Ashiyabakajeita,  
okantabeitya  
onashiyetara  
yamejeitari,  
ikemisantajeitiri  
ibabane irorikampa  
inampitsite.



### Tikakobentirori apatiansiki

Inkematsayetempi piyenkishireane  
aisati inkemisantetempi ara  
pibankoki, yotantsipankoki, impoiji  
pinampiteki.

Inkamantetempi.

Inkemisantetempi.



### Tikakobentirori amabentakotantsi

Iraminetempi aisati yamitakoyetempi iro katsini  
aririka abishimotakempi bashinonkantsi aisati  
kobenkantantsi.

Yakametsayetempi, inintetempi aisati  
inkematsayetempi.

Yamakobentetempi eirokia abishimotimpi  
antanatantsi.



### Tikakobentirori pimpashinitanyari

Irobameyetempi kametsa eiro ompinatakotatsi,  
iroinijetempi pamitakoyetanyari,  
pakametsatabakanyari aisati piyotanyari.

Piñatsatempa.




### Tikakobentirori pañanyari

Irobakayetyampi, otime pankotsi pisaikanyari  
aisati yaminakantempi abintantsipankoki.

Otimatye pibajiro aisati obajiro nampitsi pitimakera.

<sup>17</sup> Pinkie interineki Fuente: <https://www.unicef.org/nicaragua/media/831/file/10%20derechos%20de%20la%20niñez.pdf>

¿Paita yantajeiteri  
jebatakantajeitirori nampitsipe  
ompoñantyarinkemisantetero  
tikakobentajeitene?



Otimatye  
sankinarentsi  
jitachane política  
pública, ompoñantyarinkemisantete  
asaikantyarikametsa.

inkobayete kireki  
yantantayetyari  
antaberentsi.

¿Jaokakia ojiyeteri  
amitakotantsipe?



Otime  
amitakotantsi  
kametsatatsine  
kemisantakotene  
koityeimoyeteri.

Timatsi antakoyetiri distrito  
ora antaberentsi ompoñantyarimpinkatsayetero tikakobentene  
keme aminakantantsi, obametantsi,  
amabentakotantsi, ñatsatantsi,  
impoiji ajate kemisantantsiki.



4.

## ¿Piyotimpa onkantakotiri Política Nacional Multisectorial irashi jananekipe aisati ebankarinentatsiri onkobiri aretya osarentsiki 2030-PNMNNA?

Anampiteki Perú timatsi aparato política nacional ashisanori.



¿Ora Política nacional?



Ora política nacional osankenatakota paita onkobiri aretakotyari, jaka onkantakayerori aisati janika amitakotene koityeimoyeteri añantyarari asaiketa kametsa.

¿Ora Multisectorial?

Ompoñantanakari antakotanaka yapatiyabentajeitanakaro jebatakantayetirori nampitsi, aisati empresas privadas, jananekipe aisati ebankarinentatsiri irotake ojitatantari multisectorial.



Oka meka Política Nacional Multisectorial irashi jananekipe aisati ebankarinentatsiri, otime inkemisante maroni jebatakantayetirori nampitsi omonkaratantyarari antakotyari, ompoñantyarari asaikajeite kametsa aisati koakijini.



# 5.

## ¿Paita anintakairi antakotya aretakerika osarensi 2030?

Aretapakearika osarensiki 2030, maroni jananekepe aisati ebankarinentatsiri nonkobajeiti:

- Inkemisantetero tikakobentene.
- Asaikajeite kametsa, apatiro onimotantsi aisati apatiyamintsatante.
- Yabintetante kametsa, yobameyetante, yamabentakoyetante, ishiyabakajeitempa pashinipe atiri aisati eiro otimaji kebeanatantsi.


Ari onkanyari opashinitimotanyanari ompoñanyari nosaikajeite kametsa.

### Ariña añakero aririka omonkaratakia antakoyetantsipe:

Eirorika añanajiro  
kiteshibantsi jananekepe  
irotimataintsu yaretyaro maba  
(3) irosarensite



Iyotabakerorika jananekepe  
ñanatakotantsi jero matemática  
berainchari 2do.grado primaria.



Eirorika añanajiro  
antanayetantsipe.



Eirorika añanajiro  
shintsinatantsi  
antamintsatantsi ebankaropeki.



Aririka inkemisantete  
abankoki akenkishiriari,  
aisati yotantsipankoki jero  
anampiteki



Eirorika añanajiro  
antanatantsi  
yotantsipankokira.



Oshentajeiteririka  
inirope.





# 6.

## ¿Paita impeteri amitakotantsipe añantyarori omonkaratya antakotantsi?

Añantyarori omonkarayempa antakotantsipe, timatsi otsitsa tson (47) amitakoyetantsipe aretachane asajkajeitinta: ashi abintantsi, ashi obametantsi, ashi amabentakotantsi aisati ashi ñatsatakotantsi. Kemetachari:




Ipetempi\* hierro eiro antampi kiteshibantsi.



Yaminetempi shirinkakemirika kametsa.



Otime pibankoki pinijate aisati ojokakotanyari pishitakomento tekatsikea pimantsiyate.



Inkamanteyetempi kametsa pinkarajaniyeteri aisati yobameyetmpi pinintabakanyari.



Yamabentakoyetempi aisati yamitakoyetempi aririka yantanayetakempi.



Irobameyetempi kametsa aisati irobakayetyampi yotantsipankoki.



Otimatye obametsantsipe piyoshiresanotanyari ara yotantsipankoki aisati pinampiteki.

\* ora inkantetiri jarabe hierro, irointi abintarontsi irakayetiriri jananekiye aririka inkarakotanake iko iyashirite aisati timatsi pashitiyatakotsiriri ireiri tsomontetatsiri eiro antaro kiteshibantsi

7.

## Irokia meka... ¿jaoka nonkanyari nonkemisantabakanyari nonkobajeitiri omonkaratya aririka aretapakia osarentsi 2030?

Abametante iyoshitero boteyanakipe amakobentanyarori kipatsi ñakayeri.

Oinijakoyetya interinetki iyojeitantanakeari.

Ayotakotero tikakobentene.

Ajate ankemisante aririka obetsikakotanakia políticas aisati antakoyetantsipe

Ajaterika ankemisante apatotantsiki irashi presupuesto participativo\* antsipatyari jebatakantirori nampitsi.

Amene amitakotantsi aririka añake yantamintsanayeteri atsipamintsare (bullying).

Atsonkanakerorika antaberentsipe ashi yotantsipanko aisati ashi abanko.

\***Apatotantsi ashi Presupuesto Participativo:** Yapatojeitari jebatakantayeteri nampitsipe, jebatakantirori organizaciones, aisati jananekipe jeri ebankaritepe, yamenajeitanyarori paita yantakojeiteri antakotantsipe tekatsikea impeashitya kireki ipayetiriri gobierno yantakantayete keme: ñanamentotsipanko osaikakoyeti kiribiro, ñatsatakomento, obametsatanyari parique, aisati pistas jero veredas, aisati pashinipe.

**Visita la web y encuentra más información**

**[www.mimp.gob.pe/pnmna/](http://www.mimp.gob.pe/pnmna/)**





Jr. Camaná 616 - Cercado de Lima  
Teléf: (01) 626-1600  
[www.gob.pe/mimp](http://www.gob.pe/mimp)

Parque Melitón Porras 350 - Miraflores  
Teléf: (01) 613-0707  
[www.unicef.org/peru](http://www.unicef.org/peru)

